

NYIAJ POVHWM POOB HAUJLWM

Yuav Thov Li Cas Thiab Tej Lus Nug Es Coob Tus Neeg Nug Txog Txoj Cai Txais Nyiaj Povhwm Poob Haujlwm

THOV TAU NYOB RAU HAUV ONLINE (Muaj hais lus Askiv xwb): my.unemployment.wisconsin.gov

Thaumtwg Thiaj Thov Tau

- Koj poob haujlwm tag nrho,
- Koj cov nyiaj ua haujlwm tau los txhua lub limtiam raug txo,
- Koj yeej npaj tias yuav raug tshem tawm haujlwm tom ntej hauv 13 lub limtiam (13 weeks) koj hu tuaj thov ua ntej los tau, losyog
- Koj tau koom nrog hauv txoj Trade Adjustment Assistance (TAA) Program.

Tsis paub meej tias koj yuav tsim nyog tau kev pab? Mus thov kom paub seb koj puas tsim nyog tau. DWD yog cov tuaj yeem txiav txim siab seb koj puas tau kev pab.

Yog koj ua haujlwm thiab thov nyiaj poob haujlwm hauv lub xeev Wisconsin koj yuav tsum thov hauv xeev Wisconsin xwb, txawm tias nyob lwm lub xeev.

TSEEM CEEB: Txoj kev thov nyiaj no yuav tsi pib txog thaum lub lispiam uas koj pib thov. Koj yuav tsum thov thawj lub lispiam thaum koj poob haujlwm koj thiaj txais tau kev pab. Tsis txhob tos tom qab lub limtiam tiav tso.

Yam Yuav Tsum Paub Thiaj Thov Tau

- Lub npe siv nkag (username) thiab tus lus zais nkag (password) (rau kev ua ntawv thov online).
- Ib tug email chaw nyob siv tau losyog tus lej xovtooj ntawm tes.
- Koj tus chaw nyob tam sim no.
- Koj tus lej xaus saus.
- Koj daim ntawv tsav tshem Wisconsin lossis tus lej ntawm koj daim npav ID (yog koj muaj ib tug).
- Koj cov keebkwm ua haujlwm rau 18 lub hlis dhau los, kuj muaj:
 - Cov tswv lag luam lub npe.
 - Cov tswv ntiav haujlwm chaw nyob (kuj muaj zip code).
 - Cov tswv ntiav haujlwm lej xovtooj.
 - Thawj hnuv thiab hnuv kawg ntawm kev ua haujlwm nrog txhua tus tswv ntiav haujlwm.
 - Yog vim li cas tsis ua haujlwm nrog txhua tus tswv ntiav haujlwm.
- Yog tias koj tsis yog neeg xam xaj Asmeskas (U.S. citizen), koj tus lej sau npe neeg txawv tebchaws (alien registration number), daim ntawv naj npawb, thiab hnuv tas sijhawm.
- Yog tias koj ua tub rog hauv 18 lub hlis dhau los, Form DD-214.
- Yog tias koj yog ib tug neeg ua haujlwm hauv tsoomfwv, Form SF-50 losyog SF-8.
- Yog koj yog ib tug tswv cuab ntawm lub union, lub npe thiab tus naj npawb hauv cheeb tsam ntawm koj lub union hall.
- Yog tias koj xav tau Nyiaj Pab Povhwm Poob Haujlwm (UI) them los ntawm kev tso nyiaj ncaj qha, koj lub txhab nyiaj, koj tus lej routing thiab koj tus lej account.

DWD yog ib tus tswv num haujlwm thiab muab kev pab muaj vaj huam sib luag rau sawv daws. Yog koj muaj ib tus mob xiam hoob khab tsis taus thiab xav tau kev pab rau daim ntawv no, thov hu rau 7-1-1 rau Wisconsin Relay Service. Thov hu rau Fab Saib Xyuas Kev Them Nyiaj Thaum Poob Haujlwm ntawm (414) 435-7069 lossis hu dawb ntawm (844) 910-3661 mus thov kom muab daim ntawv no kho ua lwm hom kom koj nyeem tau, nrog rau qhov kom muab txhais ua lwm hom lus.

Yuav Thov Licas

1. Mus rau my.unemployment.wisconsin.gov
2. Mus nyeem thiab txais cov lus thiab txoj cai (terms and conditions).
3. Tsim ib lub username thiab password.
Nco Tseg: Thaum koj tso cai siv cov kev pabcuam online, koj tuaj yeem tau txais tsab ntawv txheeb xyuas tus kheej nrog ib tus lej xa tuaj uas **yuav tsum** tau siv hauv xya hnuv.
4. Nkag mus rau thiab qhib kev pab (benefit services) nyob online.
5. Ua koj daim ntawv thov thawj zaug kom tiav.

Thov online thaum lub sijhawm no:

Sunday 9:00 AM – 1b tag hmo
Monday – Friday Ncav Cuag (reachable) 24 xuab moos
Saturday 1b tag hmo – 3:00 PM

Mus nrhiav kev pab siv online losis yog tias koj nkag mus tsis tau online hu (414) 435-7069 lossis hu dawb ntawm (844) 910-3661 thaum cov sijhawm ua haujlwm no.

Tom qab Koj Ua Koj Daim Ntawv Thov Ntiav:

- Koj yuav tau txais ntawb ntawv qhia txog koj cov nyiaj poob haujlwm thiab ntawv qhia koj thov.
- Phau ntawv "Handbook for Claimants" nyob hauv internet ntawm dwd.wisconsin.gov/uiben/handbook/hmong.htm
- Koj lub luag haujlwm yuav tsum nyeem thaib paub txog cov ntaub ntawv thiab kev cai muaj nyob rau hauv phau ntawv no.
- Yog hais tias koj tsim nyog rau nyiaj poob haujlwm, peb yuav xa ib daim ntawv qhia rau qhov nyiaj ntawm cov nyiaj uas koj yuav tau txais.
- Yog hais tias koj tsis tsim nyog tau txais nyiaj poob haujlwm, peb yuav xa koj ib daim ntawv ceeb toom uas qhia koj vim li cas.
- Yog hais tias peb kom koj nrhiav haujlwm txhua lub limtiam los yog hais tias koj ua haujlwm tsawg tshaj li tag nrho-lub sijhawm (32 teev los yog ntau tshaj rau ib lub limtiam) **koj yuav tsum** sau npe nrog Wisconsin Job Service **ntawm JobCenterofWisconsin.com/ui** thiab mus ua kom tiav koj daim ntawv qhia kev txawj (resume) tsis pub dhau 14 hnuv ntawm hnuv uas koj ua tiav koj daim ntawv thov rau kev povhwm poob haujlwm.

STATE OF WISCONSIN

Department of Workforce Development
dwd.wisconsin.gov/ui

A proud partner of the American  JobCenter network

Cov Lus Nug


Cov lus yuav hais hauv qab no yog **ib cov lus uas muaj coob tus tibneeg ntau nug txog thiab cov lus teb rov qab rau lawv** txog ntawm cov nyiaj pab povhwm pooj haujlwm. Ua ntej peb yuav paub seb koj puas muaj cai txais nyiaj pooj haujlwm, koj yuavtswv hu tuaj rau peb.

➤ Nyiaj pab ntawm tej lub limtiam (WBR) no yog dabtsi?

Cov nyiaj poob haujlwm uas them rau koj lub sijhawm uas koj tsis tau nyiaj ua haujlwm los yog lwm yam nyiaj hlo li. Nws yog 4% ntawm cov nyiaj ua haujlwm uas koj tau hauv txwm 3 hlis siab rau txoj haujlwm uas muaj povhwm dauv hauv koj qhov txoos sijhawm pib. Cov nyiaj poob haujlwm them rau lub liamtiam pib txij lub 01/10/09, qhov tsawg ntawm WBR yog **\$54**, uas yog tau los ntawm txwm 3 hlis siab uas tau nyiaj txog \$1,350; thiab qhov ntau tshaj ntawm WBR yog **\$370**, uas yog tau los ntawm txwm 3 hlis siab uas tau nyiaj txog \$9,250. Yog koj tsis tau muaj nyiaj haujlwm txauv txaus raws li lawv tau hais tseg no, lawv yuav tsis pub pab cov nyiaj povhwm poob haujlwm no rau koj.

➤ Txoos sijhawm pib (base period) no yog dabtsi?

Lub txoos sijhawm pib (base period) ntawm no yog thawj 4 txwm ntawm 5 txwm peb lub hlis uas dhau los ua ntej lub limtiam uas koj pib thov pab rau xyoo tshiab. Yuav siv cov nyiaj haujlwm uas koj khwv tau hauv lub sijhawm no los xam seb koj puas tau nyiaj haujlwm txaus los tsimnyog thov pab thiab xam seb koj yuav tau pes tsawg. Cov txwm 3 hlis nram qab no yuav pab koj totaub txog tias peb xam raws txooj sijhawm txwm peb hlis los li cas. Plaub txwm 3 hlis uas zas ua dhoog dub ntawm tej kab rov tav yog cov txwm peb hlis pib rau qhov uas thov pab uas yog suav txij cov txwm 3 hlis uas nyob sab xis (zas dawb).



➤ Kuv yuav muaj sijhawm ntev li cas noj cov nyiaj povhwm poob haujlwm no?

Koj li xyoo pib nyiaj poob haujlwm yog thaum uas koj pib ua ntaubntawv thov. Ib lub xyoos tau uas tau nyiaj pab yog 52 lub limtiam. Thaum lub xyoos tau kev pab twg xaus, lub limtiam uas koj rov pib thov ntxiv mus yog xyoos tau nyiaj pab tshiab. Nyob rau hauv 52 lub limtiam ntawm tej lub xyoos, nws muaj

qhov uas koj cheemtsum tau kev pab txog pes tsawg. Qhov no hu tias “tus nrim nyiaj pab ntau uas koj tau” (MBA). Lub MBA yog nws yog feem tsawg ntawm 26 zaug hauv WBR, los yog 40% hauv tag nrho koj qhov txoos sijhawm pib ntawm koj cov haujlwm uas muaj povhwm dauv. Cov nyiaj haujlwm uas koj khwv tau los ntawm lub xyoos uas koj thov nyiaj poob haujlwm yuav tsis nce koj cov nyiaj pab rau lub xyoos ntawd los yog rau lub limtiam ntawm lub xyoos koj thov nyiaj pab.

Siv koj qhov MBA ib yam li uas koj tus checking account. Xws li muab koj cov nyiaj poob haujlwm rho tawm hauv tus nyiaj uas luag them rau koj hauv MBA ces paub tias tseem tshuav li cas uas yuav tau ntxiv rau lub xyoos ntawd.

➤ Thaum twg kuv mamli tau kuv cov thawj qho nyiaj poob haujlwm? Txhua txhua zaus koj pib lub npenefij (benefit) xyoo tshiab peb yuav tsis them nyiaj poob haujlwm thawj limtiam uas koj paub tias koj muaj cai txais npenefij (benefit). Thawj lub limtiam uas peb tsis them nyiaj hu ua Waiting Week. Thaum thawj lub limtiam dhau lawm, peb mam pib them nyiaj poob haujlwm tom qab koj hu txhua limtiam ntawd.

➤ Kuv puas yuav tsum mus tso npe nrog Wisconsin Job Service?

Koj yuav tsum mus rau npe nrog Wisconsin Job Service. Koj yuav tsum mus rau npe nrog Wisconsin Job Service kom tiav tsis pub dhau 14 hnub (14 days) uas koj pib thov nyiaj poob haujlwm. Yog koj tsis mus rau npe kom tiav tsis pub dhau lub caij ntawv, koj cov nyiaj poob haujlwm yuav raug ncuia ib ntus mus txog uas koj rau npe tiav tso. Koj yuav tsis muaj cai tau txais koj cov nyiaj poob haujlwm rau txhua lub limtiam es koj tau thov nyiaj poob haujlwm rau ua ntej koj tau rau npe tiav yog koj rau npe tiav tom qab 14 hnub raws li lub hlis ntuj thiab vas thib es peb tau sau tseg qhia koj rau saum toj daim ntawv nos, los koj tsis mus koom peb cov kev pab cuam nriav haujlwm es peb tau qhia koj. Yog lub lav koj nyob tsis yog lav Wisconsin, koj yuav tsum mus qhia tseem fwm ua pab cov neeg poob haujlwm ntawm koj lub lav thiab rau npe kom tiav ua ntej lub caij peb tau piav los lawm. Yog koj xav paub ntxiv, nyeem Phau Ntawv Rau Cov Thov nyob rau ntawm dwd.wisconsin.gov/uiben/handbook/hmong.htm.

➤ Kuv puas yuav tsum tau mus nrhiav haujlwm rau lub sijhawm uas kuv noj nyiaj povhwm poob haujlwm?

Koj yuav tsum nrhiav haujlwm tsawg kawg li plaub

Tsuas yog tseem fwm pab neeg pooj haujlwm (unemployment insurance) thiaj paub tseeb txog kev qhia thiab kev pab cov neeg es tau pooj haujlwm. Tsis txhob vamkhom luag lwm tus sab nraud lus tias muaj tseeb.

Lub txim uas qhia tsis tseeb thiab zais nrhw yog ib yam nplua loj heev.

zaug rau ib lub limtiam uas koj xav tau nyiaj povhwm pooj haujlwm them tuaj rau koj, tshwj tsuas yog peb qhia rau koj tias koj kev nrhiav haujlwm raug "zam lawm (waived)" thiab tias koj yuav tsis tau nrhiav haujlwm. Thaum koj xubthawj ua ntaubntawv thov, peb mam muab kev qhia rau koj txog kev nrhiav haujlwm.

Koj yuav tsum muaj cov npe, chaw nyog, xovtooj thaib tus neeg uas koj nrog tham lub npe xa tuaj rau peb thaum koj hu txhua limtiam. Nco ntsoov, yog koj tsis nrhiav dejnum li uas tsim nyog, koj muaj feem tsis tau koj cov nyiaj pab. Koj yuav tsum nrhiav cov haujlwm uas koj nrog txaus siab ua xwb; tsis txhob lam tau lam mus nrhiav tej txoj haujlwm kom ntsib lawv txoj kabke hais tseg xwb. **Tsis txhob tsum cia li tsis mus nrhiav haujlwm lawm yog hais tias lub koom haum tsis tau tso cia rau koj kom ua li ntawd.**

➤ **Kuv cov nyiaj laus (pension or Social Security) no puas yuav muaj cuam tshuam txog rau cov nyiaj povhwm poob haujlwm no?**

Koj yuav tsum hais rau peb paub txog cov nyiaj laus uas koj tseem tau, nyuam qhuav tau tsis ntev no los yog tseem yuav tau. Nyiaj laus yog nyiaj ua ntau zaum them tuaj rau koj (ib yam lis nyiaj hlis) thiab nyiaj ua ib zaum them rau koj los ntawm cov nyiaj laus so haujlwm, pension, annuities, 401(K)'s, 403(b)'s, 457(b)'s, thiab nyiaj laus so ntawm railroad. Yog koj noj nyiaj laus (social security retirement) yuav tsis ua cas rau koj cov nyiaj poob haujlwm. Yog tus tswv num them tas nrog losyog ib feem ntawm cov nyiaj laus rau koj, cov nyiaj yuav muab raug txiav tawm hauv cov nyiaj them poob haujlwm. Yog tas nrog losyog ib feem ntawm koj cov nyiaj laus los ntawm tib tus tswvnum xwm, koj cov nyiaj limtiam yuav tsum raug txo kom tsawg. Yog koj muab cov nyiaj no mus tso ua nyiaj laus tsis pub dhau 60 hnuv uas koj tau txais ntawd no ces peb yuav tsis txo koj cov nyiaj kom tswag. Yog koj tawm haujlwm vim koj nto hnuv nyooq los so, tejzaum nws yeej txhais tau hais tias koj tau tso tseg koj txoj haujlwm ces koj yuav tsis muaj cai los txais nyiaj poob haujlwm.

➤ **Yog tus tswvnum hom txais kuv ua ib txoj haujlwm uas lawv them nyiaj tsawg zog txoj uas kuv tau ua los no, kuv puas yuav tsum tau txais txoj haujlwm ntawd?**

Feem tau, tsis muaj ib lolus uas yuav teb tau kom meej vim hais tias ib leej twg yuav txawv ib leej. Yog koj yig tsis kam ua ib txoj haujlwm twg, lawv yuav tshuaj xyuas qhov tseeb seb lawv puas tseem yuav pub cov nyiaj povhwm poob haujlwm no rau koj ntxiv lawm. Wisconsin Statutes lossis txoj cai pub ib lub sijhawm rau koj nrhiav kom tau ib txoj haujlwm raws li koj sib nyiam. Lub sijhawm ntawd lawv hu uas

"canvassing period" uas lawv yuav pub txhij li rau lub limtiam tom qab koj raug rho tau haujlwm. Lawv pub koj sib piv haujlwm txog ntawm cov nyiaj them ua haujlwm thiab txuj ci haujlwm seb puas yuav sib luag rau txoj haujlwm uas koj nyuam qhuav raug rho tau ntawm ua ntej koj txiav txim siab seb puas yuav txais txoj haujlwm tshiab ntawd. Yog hais tias cov txuj ci haujlwm los yog cov nyiaj them ua haujlwm ntawd tsawg tshaj koj txoj qub haujlwm lawm, tej zaum yuav tsis cuam tshuam txog ntawm cov nyiaj povhwm poob haujlwm yog koj tsis txais ua txoj haujlwm tshiab ntawd. Tom qab lub sijhawm "canvassing period" uas lawv pub rau koj sib piv haujlwm ntawd dhua lawm, koj yuav yig tsis tau ib txoj haujlwm twg lawm yog hais tias txoj haujlwm ntawd hom yog ib txoj zoo ua thiab hais txog ntawm nyiaj them los yog sijhawm ua haujlwm thiab li yam uas muaj nrog rau txoj haujlwm tshiab ntawd. Koj yuav muab piv tsis tau nrog rau koj txoj qub haujlwm lawm tsis hais nyiaj them los yog txuj ci haujlwm.

➤ **Kuv puas yuav mus kawm tau ntawv thiab nyob rau lub sijhawm uas kuv tseem tau nyiaj povhwm poob haujlwm?**

Koj yuav tsum qhia rau lawv yog hais tias koj yog ib tus tibneeg tseem kawm ntawv rau lub sijhawm koj thov nyiaj poob haujlwm, luag yuav txoj taug seb koj puas yuav xyeej mus ua haujlwm. Koj tsis tag nrhiav haujlwm thaum tseem kawm ntawv yog pom tias koj tus ntawv uas kawm ntawd yeej yog "pom zoo rau kawm lawm." Yog koj kawm rau lub tsev kawm ntawv uas lawv pom zoo los yog kawm yam uas TAA lossis WIOA them nyiaj kawm ntawv rau tus tibneeg uas raug rho tau (dislocated workers programs) haujlwm vim tsis muaj ua lawm, koj txoj kev kawm ntawv ntawd lawv yuav pom zoo cia koj kawm mus thiab yuav pab nyiaj povhwm poob haujlwm rau koj. Yog koj muaj npe kawm rau sab kawm yam haujlwm txuj ci (vocational program) piv ntxwv li diesel truck driving, cosmetology, nursing aide, etc. thiab koj hom kawm full-time no ces tej zaum lawv yuav pom zom cia koj kawm mus thiab yuav pab nyiaj povhwm poob haujlwm rau koj. Yog koj kawm ntawv rau ib lub tsev kawm ntawv loj uas yog ib lub university no thiab hom kawm rau yav ntsuab hnuv, tej zaum lawv yuav tsis pom zoo pab nyiaj povhwm poob haujlwm rau koj.

➤ **Yog kuv hom txais ib txoj haujlwm part-time los yog ib txoj haujlwm uas them nyiaj tsawg tshaj kuv txoj qub haujlwm no, kuv puas yuav tseem txais tau nyiaj povhwm poob haujlwm lawm?**

Tsis hais txog txoj haujlwm twg, tiamsis yog koj tau txais ua ib txoj haujlwm nrog ib tug tswv num rau thaum lub sijhawm uas koj tseem txais nyiaj povhwm poob haujlwm, tej zaum koj cov nyiaj povhwm poob haujlwm es them tuaj rau koj txhua txhua lub limtiam ntawd yuav raug txiav tsawg mentsis. Nyiaj povhwm

Tsuas yog tseem fwm pab neeg pooj haujlwm (unemployment insurance) thiab paub tseeb txog kev qhia thiab kev pab cov neeg es tau pooj haujlwm. Tsis txhob vamkhom luag lwm tus sab nraud lus tias muaj tseeb.

Lub txim uas qhia tsis tseeb thiab zais nrhw yog ib yam nplua loj heev.

poob haujlwm yuav tsis them tuaj rau koj rau lub limtiam es koj ua haujlwm, tsis mus ua haujlwm thaum koj tus tswv num muaj haujlwm rau koj ua thiab/los yog koj tus tswv num them nyiaj rau koj rau tej hnuv so haujlwm (holiday pay), rau tej hnuv koj thov so haujlwm (vacation pay), rau thaum lawv muab koj tso tawm koj txoj haujlwm nrog lawv (severance pay) los yog rau thaum koj tsis xis nyob (sick pay) es yog muab sib ntxiv ua ke puv 32 teev los yog tshaj ntawd. Nyiaj povhwm poob haujlwm yuav tsis them tuaj rau koj rau lub limtiam es koj ua haujlwm tau nyiaj los yog koj tus tswv num them nyiaj rau koj rau tej hnuv so haujlwm (holiday pay), rau tej hnuv koj thov so haujlwm (vacation pay), rau thaum lawv muab koj tso tawm koj txoj haujlwm nrog lawv (severance pay) los yog rau thaum koj tsis xis nyob (sick pay) es yog ib yam xwb los yog sib ntxiv ua ke es tshaj \$500. Yog hais tias tshawg tshaj 32 teev thiab tsis tau tshaj \$500, lawv yuav muab saib raws txoj kabke hu uas "partial wage formula" los xyuas seb yuav them cov nyiaj povhwm poob haujlwm rau koj li cas uas lawv qhia raws li huav qab no:

1. Rho \$30.00 tawm ntawm tus nyiaj haujlwm tag nrho.

2. Muab cov seem khoo (multiply) rau 0.67 (67%).
3. Ro qhov no (nrog cov nyiaj cents) tawm hauv koj qhov WBR.
4. Muab cov nyiaj npib hloov mus rau qhov ze ib dollar. Qhov no yog ib feem nyiaj UI rau hauv lub limtiam.

Tus nyiaj UI uas tsawg tshaj plaws uas yuav them ua chev yog \$5.00, yog li ntawd yog koj muab xam los tau tsawg tshaj \$5.00, ces yuav tsis them rau koj.

➤ **Cov nyiaj them pab kuv tawm haujlwm (severance) los mus rau cov nyiaj them so haujlwm uas kuv siv tsis tau tas (unused vacation pay) hom yuav cuam tshuam li cas rau kuv cov nyiaj povhwm poob haujlwm thiab?**

Qhov no nws yuav nyob ntawm koj tus tswvnum seb lawv yuav them li cas tuaj rau koj xwb. Yog hais tias lawv them cov nyiaj no tuaj rau koj raug rau lub asthiv uas koj thov nyiaj povhwm poob haujlwm no ces koj yuav tsum tau qhia cov nyiaj tswvnum them tuaj ntawd rau asthiv ntawd thiab. Hu koj tus tswvnum yog koj tsis paub mee txog cov nyiaj no.

Tsuas yog tseem fww pab neeg pooj haujlwm (unemployment insurance) thiaj paub tseeb txog kev qhia thiab kev pab cov neeg es tau pooj haujlwm. Tsis txhob vamkhom luag lwm tus sab nraud lus tias muaj tseeb.

Lub txim uas qhia tsis tseeb thiab zais nrhw yog ib yam nplua loj heev.